



STATEN VAN ARUBA

STATEN VAN ARUBA
Ingek. 14 OCT 2021
Volgnr.: IS/102/21-22

[Handwritten signature]

Na Presidente di Parlmaneto di Aruba
Sr. mr. E.G.A. Vrolijk
L.G. Smith Blvd. 72
Oranjestad

Oranjestad, 14 di oktober 2021

Pa medio di es carta suscrito kier a pidi Sr. Presidente pa dirigi e preguntanan aki na Ministro Presidente Sra. mr. E. Wever-Croes y na Ministro di Economia, Comunicacion y Desaroyo Sostenibel Sr. mr. G. Wever. Suscrito ta desea di haya contesta por escrito riba su preguntanan. Gradiciendo di antemano pa e cooperacion, suscrito ta keda,

Atentamente,

Miguel J. Mansur
Lider di Fraccion ACCION 21



STATEN VAN ARUBA

Preguntanan por escrito di miembro di Parlamento, Sr. Miguel J. Mansur, na Minister President Sra. mr. E. Wever-Croes y na Ministro di Economia, Comunicacion y Desaroyo Sostenibel Sr. mr. Geoffrey Wever, conforme articulo III.17 di Staatsregeling y conforme artikel 59 di Reglement van Orde van de Staten van Aruba.

Gobierno a indica nan apoyo pa desaroyo den area di tecnologia y innovacion pero e sector ICT na Aruba ta den un posicion dificil caminda companianan no ta invertiendo y hopi ta cerando. E sector publico y semi-publico ta representa e mercado mas grandi di ICT localmente y e gran mayoria di e proyectonan aki ta wordo otorga na Setar.

- 1 • Prome Ministro y Ministro di Comunicacion ta na altura di e impacto riba industria ICT local door di dirigi tur contract di gobierno casi exclusivamente pa Setar den violacion di varios tratado internacional na cual Aruba ta pertenece?
- 2 • Ta existi algun ley of mandato cu ta dirigi departamentonan di Gobierno cumpra di Setar cualkier producto of servicio cu nan tin den nan portfolio?
- 3 • Prome cu aproba un "Purchase Order" cu un compania ICT, Directie Financiën sa pidi departamentonan di Gobierno redirigi e proyecto na Setar?

Apesar di un industria di telecomunicacion cu ta parce di cubri e necesidadnan di Aruba, tin varios aspecto cu ta hungando un rol activo contra desaroyo di "Data driven Business" ariba nos isla. Nos a tuma nota cu Tema A.2 di *Landspakket* ta inclui "fortifica uso di informacion y dato estadistico confiabel di desaroyo di maneho y formacion di decision." Gobierno su masterplan a identifica "knowledge economy" como un di e areanan prometedor pa nos economia. Asina lo ta na beneficio di nos economia pa tanto sector publico como sector priva move pa decision y ehecucion basa ariba dato.

- 4 • Prome Ministro y Ministro di Comunicacion ta na altura cu 5 di december 2021 Aruba lo tin unicamente un kabel submarino confiabel, e Pacific Caribbean Cable System (PCCS), ta conecta nos isla como cu e otro kabel (PAN-AM) ta yegando fin di su existencia y lo wordo decomisiona?

Esaki lo posiciona nos pais patras di mayoria di pais di tercer mundo pa infraestructura di internet algo precario y no atractivo. Un di e condicionnan pa Setar su participacion den e consortium PCCS ta depende ariba duna acceso husto na e capacidad cual e no ta haciendo. Setar actualmente ta cobrando mas cu x6 biaha e costo internacional pa 1G di dato na otro proveedornan. E falta di y costo exorbitante di capacidad ta impidi inversion internacional, Curaçao por ehempel tin multiple kabel y prijsnan hopi mas competitivo pa capacidad di dato. [E otro kabel Alonso de Ojeda entre Aruba y Curaçao no ta ser usa pa dato y lo yega fin di su bida operacional na 2024.]

- 5 • Prome Ministro y Ministro di Comunicacion ta na altura cu dependencia ariba unicamente un proveedor cu kabel submarino y infraestructura fibra ta posiciona nos pais como un di esunnan mas caro na mundo pa internet?

Actualmente internet na cas ta costa un minimo Afl. 177,- y te hasta si esaki ta pa un bandwidth grandi, e gasto ta prohibitivo pa mas y mas famia. Den e modelo comercial actual di Setar no ta posibel contrata unicamente internet, mester añadi un pakete di television te hasta si esaki no ta necesita of desea pa e consumidor.

- 6 • Prome Ministro y Ministro di Comunicacion ta promoviendo sector priva di inverti den industria di telecomunicacion y desaroya un infraestructura competitivo manera esun di Setar?

Competencia lo beneficia tanto sector publico como sector priva y reduci prijs pa consumidor manera a sosode cu telefon mobil.

- 7 • Prome Ministro y Ministro di Comunicacion ta na altura cu regulacion actual di telecomunicacion ta crea un gasto haltisimo pa proveede internet pa cas/negoshi si wordo haci wirelessly?

Esaki ta pone cualkier compania cu no tin e mesun licencia/permisionan cu Setar den un desbentaha enorme.


- 8 • Prome Ministro y Ministro di Comunicacion ta na altura cu regulacion existente di DTZ ta permiti cobranza pa uso di frecuencianan sin licencia di 2.4GHz y 5GHz (cual ta wordo usa den tur WiFi network) y ta ser considera dominio publico rond mundo?
- 9 • Prome Ministro y Ministro di Comunicacion ta na altura cu DTZ a cuminsa pidi (bao regulacion existente) sector priva lista di aparatonan WiFi cu ta usando frecuencianan no licencia cu ta wordo considera dominio publico internacionalmente?

Esaki lo afecta cualkier negoshi cu ta produci un ganashi door di proveede internet door di nan aparatonan WiFi cu por tin un acogida pafor di nan teritorio incluyendo hotel, bar, restaurant of oficina.

Sperando di por ricibi, mas pronto cu ta posibel, e contestanan por escrito
riba su preguntanan, suscrito ta keda,

Oranjestad, 14 di oktober 2021

Atentamente,

A handwritten signature in blue ink, appearing to read 'MANSUR', with a long horizontal flourish extending to the right.

Miguel J. Mansur
Lider di Fraccion ACCION 21